



UIO pohvalio saradnju sa SIPA

U akciji kodnog naziva List 1, koju su u srijedu proveli Službenici Uprave za indirektno oporezivanje u saradnji sa službenicima Državne agencije za istrage i zaštitu (SIPA), ukupno je oduzeto 12.560 kilograma duhana koji se planirao prodati na crnom tržištu BiH. "Od ukupno pronađenog i oduzetog duhana 1.285 kilograma je već bilo izrezano i spremno za plasiranje na crno tržište, dok je duhana u listu bilo 11.275 kilograma", saopćeno je iz UIO BiH. Također, oduzete su dvije mašine koje su služile za rezanje duhana. U akciji je ukupno privedeno i ispitano 12 osoba, a sve daljnje mjere i korake o njihovom statusu donijeće Tužilaštvo BiH, pod čijim vodstvom je akcija i izvedena. Iz UIO još jednom ističu posebno dobru saradnju sa SIPA.